

Disputatio Politica,
DE
LEGIBUS NON-
SCRIPTIS,

Quam
DEO BENE PROPITIO;
Permissu & consensu Amplissimi Senatus Philoso-
phici in illustri ad Salam Athenæo

SUB PRÆSIDIO

VIRI

Excellentissimi & Præclarissimi
DN. M. JOH-CHRISTERIDI
SAGITTARI, Poëseos & Histo-
riarum Professoris Publici Famigeratissimi, Præ-
ceptoris & Promotoris plurimum
venerandi,

Publica Eruditorum ventilationi submissis

DAVID RÖNIG PENIOENSIS.


In Auditorio Philosophico.


D. Februarii Hor. matut. VIII.

7 E N Æ.

Excudebat CHRISTIANUS LAURENTIUS
KEMPFIIUS.

ANNO M. DC. L.





Trigæ

*Fratrum Per Illustrium atq; Generosissimorum Dominorum
et Baronum à Schönbürg / Dominorum
Glauchavia & Waldenburgi Splen-
didissima*


DN. JOHAN-HEINRICO,
Dynastæ Reimsavia,

DN. CHRISTIANO,
Dynastæ Rochis- & Wechselburgl,

DN. WOLFIO HEINRICO,
Dynastæ Penigl,
Dominis Suis Clementissimis,

Nec non

Nobilissimo, Amplissimo atq; Excellentissimo,

DN. GEORGIO  / J. U. Doctori
Admodum Famigerabili, Consiliario Collau-
datorum gravissimo Baronum, Patrono
suo omni Honore ætatem per-
colendo,

Hoc qualecunq; Exercitium Philosophicum
in debiti ac penitus subjecti obsequii nec mi-
nus grati animi *μνημόνεια*

*Humillimè atq; submisit dedicat
& offert*

David König.

PROLOQVIUM.



Utor librr. Rhetoricor. l. i. c. IV.
 legibus primas. secundas tribuit, scri-
 bens: ἐν τοῖς νόμοις ἐστὶν ἡ σωτηρία τῆς πό-
 λεως, i. e. in legibus salus civitatis est sita.
 Spartana Resp. ex omnibus aliis præ-
 beat exemplum. Nam quod ea libera
 floruit, nullisq̃ue obnoxia tyrannis inconcussa stetit
 per aliquot seculorū decursus, *Thucydides* fuisse caus-
 sam dicit, quod *Γρομμήθη*, fuerit optimis legibus admini-
 strata, iis nimirum quas *Lycurgus* præscripserat, testi-
 bus *Herodoto* l. I. *Tacito* l. III. *Anal.* *Justino* l. III. intelle-
 xisse verò laudatum Scriptorem per νόμους leges in ge-
 nere, siue scripto fuerint comprehensæ, siue non; vel
 ex eo patet, quod multæ Gentes, ex. gr. *Germanicæ*,
 non tantum litterarum secreta, verum etiam earum-
 usum ignorarint, adeoque per multa secula leges scri-
 ptas non habuerint: quas tamen prorsus destitutas fu-
 isse legibus, asserere nemo facile potest; cum sine iis
 nulla societas, ne latronum quidem aut piratarum,
 coire aut subsistere possit. Habuisse autem Majores
 nostros qui iura per pagos & vicos redderent, ac con-
 troversias minuerent, ex nobilitate electos, additis ex
 plebe comitibus in consilium & auctoritatem, *Cæsar* l.
VI. de B. G. & Tacitus l. de moribus Germanorum locuple-
 tes sunt testes. Hinc idem Historicus Germanos cum
 populis aliis, qui legum scriptarum laborarent copia,
 pro more comparans, elogio insigni eos ornat, scri-
 bens:

bens: *plus apud eos valent boni mores, quam alibi bonæ leges.* Quapropter cum sua habuerint iudicia per pagos & vicos, fuerintq; vel apud hostes, morum sanctimoniâ celebres, leges adfuisse oportet optimas, quæ licet non chartæ, menti tamen fuerint inscriptæ. Sicut verò legibus scriptis sua non deneganda est laus & autoritas: ita *Isocrates in Arcopagitico* rectè monet: sic verterente Wolfio: *Decere prudentes magistratus non partius implere legibus, sed efficere, ut cives animis insitum habeant justitiæ studium. Non enim senatus consulta, aut plebis scita, sed præclara instituta felicem efficere civitatem.* Græca sunt ἐμφαλκώτερα, quæ interpres minus expressisse videtur: δὲ θετὰς ἀπολιτευοµένους ἔ τὰς τὰς ἐµπιπλάταις γραµμάτων, ἀλλ' ἐς ταῦς ψυχαῖς ἔχεν τὸ δίκαιον, ἔ γὰρ τοῖς ψήφισμασιν, ἀλλὰ τοῖς ἤθεσι καλῶς οἰκῶσθαι τὰς πόλεις.

Ex quibus conijcere est in proclivi, operā omnem Philosophiæ Moralis studiosum non perditurum, qui de LEGIBUS NON SCRIPTIS quædam in medium protulerit. Quod dum facere laboramus, Tuum est, benevole Lector, faventia benigniori nostros prosequi conatus, quam & Tuis conatibus pollicemur, & præstabimus.

I. De legibus non-scriptis æturi scire debemus: leges dici *scriptas* & *non scriptas* modo non uno. Primo enim lex *scripta* dicitur, quæ litterarum consignatur monumentis; *non-scripta*, quæ litteris non mandatur. Quo quidem sensu Athenienses *scriptis*; Lacedæmonii *non-scriptis* leguntur usi. Nam *Solon statuit, ut in ligneis tabulis leges describerentur*; *Lycurgus verò in scriptis nullas tulit leges*, ut *Plutarchus* in horum legislatorum vitis recenset.

II. Deinde, scripta dicitur, quæ *expresse à sum-*

ma potestate fuit sancita, siue fuerit factum scripto, siue ita, ut memorie potius hominum mandaretur, quam litteris, postquam fuit promulgata. Quo in significato *leges* quoque *scriptas* Lacedæmonii non minus habuerunt, quam Athenienses; Germani non minus, quam Romani. Consuetudines verò *leges* sunt *non scriptæ*, quia expressè non fuerunt conditæ.

III. Porro *lex scripta* eadem est quæ *positiva humana* & opponitur legi naturali. Sicut videre est in illo Ciceronis: *Est non scripta, sed nata lex; quam non didicimus, sed hausimus.* Atque ita *lex non-scripta* sæpè nihil aliud notat, quam *legem Naturæ*. Apertè satis Xenophon l. de dictis & factis Socratis: *Nosti etiam, ô Hippia, leges quasdam esse non scriptas? nempe eas dicis, inquit, quæ apud omnes Gentes per aquè observantur. Potesne igitur, inquit, dicere, illas ab hominibus latas esse? Quomodo, inquit; qui neg, unum in locum omnes convenire, neg, sermone uno uti possint? à quibus ergò leges istas latas arbitraris? Equidem à Diis arbitror eas datas hominibus fuisse. Etenim apud omnes Gentes prima illa posita lex est, ut Deum veneremur. Præterea lex ubiq, est, ut honorem parentibus deferamus.* Hæc ille. Et Plato apud Laërtium l. III. *Alia est lex non-scripta, & à natura & usu proficiuntur; quale est: non prodire nudum in forum; nec muliebri veste uti.*

IV. Quo respexisse videntur Historici, quando priscos, veteresq; vetustos, *sine legibus* vixisse scribunt, innuentes eos *legem naturæ* pro lege habuisse. Audiamus scriptorem & ab eloquentia & prudentia Politicâ instructum Tacitum l. III. *Annal. Vetustissimi, inquit, tem, mortalium, nulla adhuc mala libidine, sine probro, scelere, cog, sine pœna aut coercionibus agebant: neq, ptamiu opus erat, cum honesta suapte ingenio peterentur: & ubi ni-*

hil contra morem cuperent, nihil per metum vitabantur. At postquam exui aequalitatis, & pro modestia ac pudore ambitio & vis incedebat, provenire dominationes & leges. Et Justinus l. II. de Scythis: *Justicia gentis ingenio culta, non legibus.* Cui conformia scribit Nicephorus Gregoras Byzantynæ histor. l. I. de eadem gente. *Apud illam gentem, cum ea res non sint, è quibus lites & contentiones oriuntur, minusq; insidias & cades suscipiuntur, neq; judiciis, neq; curiis, neq; Legum recitationibus est opus: ac ne eloquentia quidem verborumq; argutia ac perplexa inventiones locum habent: sed innata quædam justitia illos regit, & haud invidenda libertas.* Quibus de causis & Homærus eos mortalium justissimos appellavit.

V. Cæterum, in hac dissertatione *legum non scriptarum* vocibus potissimum utemur in significato secundo, prout iisdem notatur idem quod aliàs vocabulo *consuetudinis* solet notari.

VI. Sicut autem leges ratione causæ efficientis dividuntur in *divinas & humanas*; ita eadem ratione modi ferendi dividuntur in *scriptas & non scriptas*. Quæ divisio, quantum ad membrum posterius, est Platonis, teste Laertio; Aristotelis l. VI. Polit. c. V. scribentis: legislator ponat νόμος ἀρχαῖος καὶ γυζαυμένος, i. e. *leges non scriptas & scriptas*. Et Autoris II. Rhetoricorum l. I. c. XIII. Dico autem, inquit, legem partim propriam, partim communem. Propriam quidem singulis definitam inter ipsos, eamq; aut non-scriptam, aut scriptam. Quin eandem, præeuntibus Philosophis Græcis, sacratissimus Imperator Justinianus in Instit. de jure natural. gentium & civili non improbavit. Quæ verò Lilius Gyraldus monuerit Dialogismo XXVIII, apud eundem legantur.

VII. Est autem *lex non-scripta*, sive *consuetudo*,
jus

jus quod voluntate omnium sine lege vetustas comprobârit, ut describit *Cicero l. II. de Invent. c. V.* A quâ vel nihil vel parum discrepât illa Alphonfi: *Consuetudo est jus non scriptum, quod ex longo & continuo usu ortum*; ut verba citat *Vasqu. in 1. 2. Thom. q. XCVII. art. III. diff. CXXXVII. n. 1.* aut communis Jctorum: *consuetudo est jus quoddam moribus institutum, quod pro lege suscipitur.* Ciceronis tamen descriptio respicere videtur ad Remp. popularem, in qua; *omnium voluntate*, consuetudo comprobatur.

VIII. Talis lex non scripta Græcis dicitur νόμος, ut patet ex *th. VI. νόμος πατρις*, lex patria; *Aristot. II. Polit. c. VIII. εἰς consuetudo*, Latinis, mores; majorum instituta.

IX. Potest porro triplex constitui consvetudinis genus. *Primum* est circa rem quandam peculiarem, sive sit circa locum, sive circa personas: *alterum*, circa utrumq; simul: *tertium* est circa facta hominum. De tertio potissimum noster erit sermo.

X. *Thomas 1. 2. q. XCVII. art. 3.* tria adscribit consvetudini: *quod vim habeat legis; legem aboleat; & legem interpretetur.* De singulis ordine. Quod antequam fiat, declarandum est, per quodnam lex non scripta sive cōsuetudo habeat, quod dicatur consvetudo, adeoque vim legis habeat. Non sanè inde habet, quod lex aliqua negligatur, adeoque actus multi, à quâdam lege deviantes, per multam annorum seriem possint allegari: sed quod à Majestate, seu, pro Reip. forma, ab habente, aut habentibus jus legum condendarum, explicandarum, & removendarū, tacitè fuerit consensus in illos actus, legibus expressis contrarios. Sicut enim lex unicè suum esse habet à Majestate, nec vim suam

suam & auctoritatem tùm demum accipit, si à subditis recipiatur; si bona sit; & quæ forsan aliàs à quibusdam requiruntur: ita & consuetudo, quod legis vim habeat, debet id unicè tacito Majestatis consensui & tolerantiz, quam necesse est antecessisse ipsam actuum, legi expressæ adversantium notitiam. Nam qui actus Majestatem fallunt, etiam si millies à subditis per longam annorum seriem præstentur, consuetudinem, quæ legis habeat vim, non constituunt.

XI. Ut verò consuetudo vim habeat legis, quatuor dicitur esse necessaria *Medina d. l. in Thomam*. Primum est, *ut id, de quo inducitur consuetudo, sit actus bonus, & possit esse materia legis justæ*. Nam consuetudo, ait, habet vim legis. Ergo debet esse de ea re, de qua lex statui possit. Quare de re illicita & indifferenti nunquam prævalet consuetudo, ut vim legis obtineat.

XII. Sed cum Medina cum multis aliis præsupponat: *nil nisi de re justæ & licitæ posse esse legem*, adeoque quæ lex talis non sit, desinere esse legem: non est mirum, si statuatur, actus tantum bonos requiri ad consuetudinem, si debeat habere vim legis. Dicendum verò potius est, ut consuetudo legis vi polleat, non requiri, ut actus non nisi boni adsint; cùm, si alia non desint, etiam actus merè mali, imò perversissimi, possint adesse, ut per hos tamen non impediatur, quo minus consuetudo vi gaudeat legis. De re verò *illicita posse prævalere legem* non scriptam sive consuetudinem vel ex historia Passionis patet, ubi obtinuit consuetudo, ut circa Paschatos festum quidam, capitali supplicio dignior, dimitteretur; contra legem expressam divinam. De re *indifferenti* tantò minor est difficultas, posse consuetudinem prævalere. Nam indifferens est ge-
stare

stare gladium, & non gestare. At nostri majores non nisi gladiis cincti in publico deliberabant. Sic enim, *Tacitus l. de morib. German.* Nihil neq; publicæ, neq; privatæ rei, nisi armati agunt.

XIII. Hinc nec opus est, ut consuetudo semper sit *rationi consona*. Quod requirebat *Domin. à Soto. l. i. de Justit. & Jur. q. VII. art. 2.* Videturq; Cajetani sententia probabilior, citante laudato Soto, statuentis: consuetudinem, quæ per actus illicitos inceperit, temporis lapsu suam habere auctoritatem. An verò posteri potius nostri, ut quidem putat *Domin. à Soto.* quam nos ipsi, tali teneantur consuetudine, jam NON LIQUET.

XIV. Alterum, quod requirebat Medina, est, ut *consuetudo esset universalis, non paucorum*. Sed, si à paucis quibusdam, ex. gr. in quodam collegio, aut certo ordine, mercatorum, opificum, aliorumque, actus quidam sæpius repetiti, non dissentiente Majestate, exercerentur, quis negaret, ex talibus actibus tandem consuetudinem posse oriri? non obstante, quod esset *paucorum*.

XV. Tertium, ut id, quod ducitur in consuetudinem, *judicetur ab omnibus observatum necessarium*; & non tanquam faciendum ex populi devotione, & affectu pio.

XVI. Verum neq; hoc requisitum Medinæ omni videtur dubio carere. Quod si enim ex devotione populi & pio affectu quid contra legem impiam tyranni, aut impiorum imperantium, sæpius susciperetur, ex. gr. si populus contra legem expressam sacros institueret conventus; qui licet prohibiti essent à Majestate, tolerarentur tamen ab eadem, ut tacitè vide-

B. retur

retur lex expressa abrogari; non sanè videmus, cur non posset id, quod ex populi devotione & pio affectu fuerat susceptum, dici consuetudo, & vim habere legis.

XVII. Quartum denique ex sententia Medinæ erat, ut *approbatio superioris adesset expressa, vel interpretativa*. Cujus, inquit, evidens argumentum erit, si superior puniat transgressores consuetudinis, ac si essent legis violatores.

XVIII. In toto hoc negotio ad Majestatem, seu superiorem, vel unicè respiciendum esse non negamus. An autem ejus approbatio *expressa* requiratur, non immeritò dubitamus. Nam sicut lex, quibuscunque verbis sanciat, abrogari potest à Majestate, si fiat per legem expressam, quæ apertè priorem removeat; si per consensum circa legis expressè latæ neglectum, ut legis non observatæ nullam velit esse obligationem ad pœnam: ita sufficere videtur ad constituendam consuetudinem solus Majestatis consensus, qui esse potest sine ejusdem approbatione *expressa*. Nam consuetudo esse suum accipit à patientia, & tacito quodam jussu Majestatis. Sola ergo non improbatio actuum, legi expressæ contrariorum, ad inducendam consuetudinem videtur esse sufficiens, licet Majestatis aut Superioris non adsit approbatio *expressa*. Adque hæc de primo, quando *consuetudo obtineat vim legis*.

XIX. Hisce declaratis addendum: Num *consuetudo vim legis possit habere contra legem divinam vel naturalem*? Thomas 1.2. qu. XCVII: *art. 3. ad primum*; negat. *scribens*: nulla consuetudo vim legis obtinere potest contra legem divinam vel naturalem. Dicit enim Isidorus in Synonymis: *usus auctoritati cedat: pravum usum lex & ratio vincat,*

XIX.

XX. Quæstio, ut patet, instituta est de facto, non de jure. Quapropter, sicut lex est lex, & obligandi virtute pollet, non, quod cum recta ratione consentiat, & propius absit à divinis aut naturalibus legibus; sed potius quod Majestati sic fuerit visum, legem præscriptam debere habere vim obligandi subditos: ita & consuetudo non potest propterea vim legis obtinere, quod non sit contraria legibus naturalibus; sed quod Majestas toleraverit, ut lex expressa negligeretur, sive actus illi, legi contrarii, sint legi naturali conformes, sive non.

XXI. Notanter dixi: *Si Majestas toleraverit; aut, ut suprâ; si in actus legi contrarios tacitè consenserit.* Quod si enim ex quadam Majestatis negligentia aut inadvertentia, contra legem actus multiplicati fuerint; aut Majestas minus fuerit potens sumere vindictam de transgressoribus: aut etiam magistratus inferiores sine consensu aut permissu supremi, in tales actus à lege deviantes, consenserint, consuetudo talis legis vim non acquirit.

XXII. Nec tamen dixerim: *omnem consuetudinem ex multis fieri actibus malis.* Potest enim lex quædam deficere, ut opus sit recurrere ad æquitatem. Quod si sæpius facias, ex actibus illis crebrioribus, quorum tamen nullus est malus, consuetudo oriri potest, si non per Majestatem impediatur, sed potius consensu illius confirmetur.

XXIII. Eadem lex non scripta, sive consuetudo, monente Thoma, *legem abolet scriptam.* Non quod transgressores sua malitia illam aboleant, aut abolere possint; sed quod tacito Superiorum consensu lex, quæ negligebatur, videatur aboleri. Unde si

aliqua consuetudo ita invaluisse, ut nec actus, legi priori contrarii, prohiberentur, nec pravaricatores punirentur, lex à consuetudine vinceretur, sive iuste, sive iniuste ea fuisset introducta.

XXIV. Quærenti, quando consuetudo incipiat prevalere, ut legem vincat; respondet Medina: sufficienter esse introductam, quando viri probi & prudentes censeant esse introductam. Nec aliam evidentior rem regulam statui posse.

XXV. Sed sic dependebit potius consuetudo, ut sit talis, à iudicio virorum bonorum & prudentum; quàm à Majestatis tacito consensu; à quo tamen legem non-scriptam esse suum accipere diximus thesi XVIII.

XXVI. Quid verò fiet, si legi alicui hæc, aut alia ejusdem sensus sint adjecta: *non obstante quacunque consuetudine in contrarium*: an & sic consuetudo legem abrogabit? Dominicus à Soto l. 2. de Justic. & Jure q. VII. artic. 2. negat quoniam, inquiens, consuetudo tunc nihil operatur; eò quod nunquam indicium est talis voluntatis principis. Tamen si tam longa potest esse in contrarium, maximè in seculo aliorum principum, ut decretum etiam illud irritans evincat.

XXVII. Huic sententiæ adversatur Barthol. Medina l. d. scribens: quibuscunque verbis lex statuta sit, potest à principe per verba derogari: sed consuetudo approbata à principe habet verborum vim. Ergo talis consuetudo vincit legem quibuscunque verbis sit lata.

XXVIII. Nec tamen putandum est, omnem consuetudinem oriri ex certis actibus, legi contrariis, qui eam abolcant. Dari enim possunt multæ consuetudines, quæ nulli legi contrariantur, cum prorsus nulla adfuerit.

XXVIII.

XXIX. Tandem, ex sententia Thomæ *consuetudo legum est interpret.* Ad quod à Medina duo requiruntur. Primum est, *ut sit publica, & neminem facile lateat.* Licet enim à multis quid observetur legibus contrarium, ut ad noticiam ejus, aut eorum, non veniat, qui legum habet curam, consuetudo talis legum non fit declaratrix. Alterum est, *ut Princeps* (aut quicumq; jus legum habet) *adprobet talem consuetudinem,* nec puniat à lege aliàs recepta recedentes; quamvis ejus neglectæ accusentur, aut aliàs notum sit Majestati, legem hanc aut illam non fuisse servatam, nec servari. Quæ adprobatio, siue tacita consensus non tantum Medina, verum etiam Dominico à Soto, aliisq; , legis est interpretatio, & quidem factis præstita potius, quàm verbis.

XXX. Hinc non est dubium, quin talis lex non-scripta, siue consuetudo, quæ & vim legis habeat, eam interpretetur, & aboleat, subditos obliget; & quidem si mala sit, & negligatur, ad pœnam; sin bona, unà etiam in conscientia

XXXI. Cùm verò ex dictis possit quivis colligere: permissionem, à Majestate factam, non leve conferre momentum ad consuetudinem introducendam, providebit Majestas, aut cui legum cura commissa, ne facile bis, aut sæpius quædam permittantur contra leges expressas. Enim verò, *verba sunt Dominici à Soto l. 1. de Justit. & Jur. q. VII. art. 2.* ad id persvadendum, quod novum petitur, in causam adducitur, quod unus actus nihil nocere potest: postea verò similitudine illius alter persvaderetur, ac subinde consuetudo vires nanciscitur. Idem vult Aristoteles, quando l. V. Polit. cap. III. neglectum *παρά τὸ μικρὸν* in

rebus publicis dicit esse; inter alias, causas mutatio-
num in iisdem. Verba Philosophi sunt: ἐτι διὰ τὸ παρὰ
μικρὸν. λέγω τὸ παρὰ μικρὸν, ὅτι πολλάκις λαοθάλη μεγάλη
γινώσκῃ μετάδοσις τῶν νομίμων, ὅταν παρορῶσι τὸ μικρὸν i. e.
*insuper propter pusillum. Dico autem pusillum, quando la-
tet paulatim subcrescens Reipublica mutatio, qua ad magni-
tudinem latenter evadit, si negligatur.* Ad si lubet ad l. d.
Polit. c. IV. VII. VIII. & l. VI. c. IV. Didicit hoc à suo Præ-
ceptore Platone. qui X. de LL. *neq. gubernatoribus, in-
quit, neq. Imperatoribus res bene sub manum succedet, nisi
minima quoq. sibi cura habeant.* Quibus gemina tradit
Livius l. VII. *quamvis parva sint hac, tamen parvas
etiam hac non contemnendo, Majores nostri maximam
hanc rem suam fecere.* Et Tacitus, cum ferè inimita-
bili dicendi brevitate judicium conjungens Politi-
cum: *Non sine usu fuerit introspicere illa primo aspectu le-
via, ex quibus magnarum saepe rerum motus exoriuntur.*

XXXII. Dignitas rei postulat, ut, quæ diximus,
exemplis illustrentur. Apud *Athenienses* spiritus gere-
bat regios Pisistratus, qui seipsum vulnerabat, & in
publicum prodiens clamitabat, se modis indignis ab
inimicis acceptum. Ariston decernebat quinquaginta armatos pro custodia; Sed multitudo impru-
dentior concedit Pisistrato custodes, quotquot mo-
dò alere posset. Qua conditione non negligenter
arrepta, Pisistratus arcem occupavit, & tyrannidem
invasit, *referente Plutarcho in vita Solonis.*

XXXIII. Apud *Romanos* Jul. Cæsar, Augustus,
Tiberius, populo persuadebant, se esse acerrimos li-
bertatis custodes; oblectabat sese inanibus Reipubl.
popularis simulacris stolidi multitudo; cum interea
dicti Imperatores re ipsa essent sive Régés, sive Tyran-
ni.

ni. Causa erroris erat, quod S. P. Q. R. omnia in unum conferret; aut pateretur, ut unus *munia Senatus, magistratum, legum in se traheret*, nullo adversante, ut loquitur de Augusto l. i. Annal. c. II. Tacitus, eximius harum artium notator; quas in Notis ad laudatum Autorem Lectori observandas monuimus.

XXXIV. Apud Germanos rerum Politicarum, historiarumque patriarum periti sollicitè inquisiverunt, quando Serenissimorum Electorum ceperit auctoritas. Post gravissimos tandem labores subsistere coacti fuerunt in Aristotelico illo: *παρὰ τὸ μικρὸν*, nempe sensim tantam eligendi Imperatoris potestatem, quæ omnium statuum aliàs communis fuerat, ad certos denique transiisse. Adeò verum est: *magnarum mutationum nos latere initia, nec eas à nobis animadverti priùs, quàm fuerint factæ*. Gutta lapidem cavat paulatim; nec cavari vides, sed excavatum esse. Arbores crescere non conspiciamus, eas tamen crevisse non sine gaudio & delectatione miramur.

XXXV. Atq; talis consuetudo, quæ ex neglectu *παρὰ τὸ μικρὸν* oritur, dici à quibusdam videtur *insensilis*, quia nescis quando inceperit, quando tantas egerit radices, ut ejus deinde abolitio interdum conjuncta videatur cum tumultu, aut Reip. convulsione.

XXXVI. Restat, ut exponatur, *utra sit validior ex legibus: lex ne scripta*, an verò consuetudo, sive *lex non-scripta*. Quid statuatur *Aristoteles*, patet ex III. Politic. cap. XVI. *κυριώτεροι καὶ πρὸς κυριώτερον τῶν κατὰ γράμματα νόμων οἱ κατὰ τὰ ἔθνη εἰσιν*, i. e. ex versione Lambini: *majorem auctoritatem habent, & sunt de rebus majoris ponderis leges in moribus posita, quàm leges scriptæ*.

XXXVII. Ex quibus constat apertè, *legum non-scri-*

scriptarum majorem esse auctoritatem, quàm scriptarum; præsertim si legibus Naturæ consentiant. Quam Philosophi sententiam suo quoque suffragio confirmat Paulus JCTus in l. 30. ff. de LL. SCTis & longa consuet. scribens: *Magna auctoritatis hoc jus habetur: quod in tantum probatum est, ut non fuerit necesse scripto id comprehendere.*

XXXVIII. Temporis sanè diuturnitas non minimam conciliat legibus auctoritatem. Quod indicat Philosophus II. Politic. c. VIII, *lex nullam vim habet, ut ipsi pareatur, nisi ex more. Mos autem non fit, nisi temporis longitudine.* Ubi etiam præclare docet: leges patrias, νόμους πατρίους, per scriptas non esse remouendas. Gravissimè quoque Nobil. Caspar Facius in Politica Liviana, Errore XVI. monet: *in Rebus publicis à consuetudine non facile esse recedendum.*

XXXIX. Quia quoque leges non-scriptæ per multos annorum, imò interdum seculorum, delapsus deprehensæ fuerunt utiles, & ab ipso quasi ævo reperiunt & originem & dignitatem, præferendæ videntur scriptis, quæ sæpius insufficientes sunt, nonnunquam etiam injustæ. Quare Lycurgus noluit suas scribi leges, aut litteris consignari, ut animo firmiores in hærent, Plutarcho teste in vita Lycurgi. Eandem ferè causam, licet in negotio aliquantisper dissimili, J. Cæsar l. VI de Bello Gallico, cur apud Gallos Druidum informationi concederetur *magnum numerum versuum ediscant.* Id mihi, inquit, duabus de causis instituisse videntur, quod neque in vulgum disciplinam efferri velint; neque eos, qui discunt, litteris confisos minus memoriæ studere. Quod ferè plerisque accidit, ut præsidio litterarum diligentiam in perdiscendo, ac memoriam remittant. XL.

XL. Nec nullam accipiunt auctoritatem leges non-scriptæ ex eo, quod sæpius agant de rebus gravioribus, ut de Religione, de pietate in patriam, in parentes; quæ fundata sunt in ipso jure Naturæ. Quæ & causa esse videtur, quod Plato VII. de LL. ἀγραφα νόμιμα καὶ νόμους πατρίδας i. e. jura non-scripta & leges patrias adpellet διὰ μὲν πάσης πολιτείας i. e. vincula cujusvis Reip. Nec obscure ostendit Isocrates in Oratione Areopagitica, Athenienses ideò ad statum popularem corruptum, prolapsos fuisse, quod inter alia majorum instituta circa sacra neglexissent. Illi enim, inquit, accuratè observabant, ne à patribus acceptum quicquam vel abrogarent vel ultra consveta adjicerent.

XLI. Tandem, consvetudines quasdam satis ridiculas adjecisse, à nostro instituto non videbitur prorsus alienum. Apud Helvetios obtinuit olim consuetudo, ut, si quando magistratus aliquis improbaretur, statua lignea cum titulo magistratus poneretur, addito elogio, uti, cui ille displiceret magistratus, statutz clavum infingeret. Hoc modo sæpe vel unica die tota statua clavis confixa fuit. Quo facto, officialis ille in judicium vocatus, condemnatus est, nullo prorsus judicio, sed sæpe sceleratà pessimorum conspiratione.

XLII. Sic Klagenfurti quod est Carinthiæ opidum, suspectus furti in furcam agebatur, qui si reus inventus esset, pendulus manebat: sin innocens, funere publico in cæmeterium deferebatur, si fides habenda Bodino Hist. Method. c. V. Joh. Bohemo de Europâ l. III. c. XVII. & Fabro Hist. Sæv. l. I. cap. XVIII. De Ragusiis, filias virgines & nuptas advenis obferentibus, lege Lehms. Chron. Spirens. l. V. c. XL. p. 517.

XLIII. Deniq; obiter explicandum est, quid sit


Consuetudo olitana, cujus Adrianus I. in Epistola ad Carolum Magnum facit mentionem: Apostolica, *inquiens*, prævidimus auctoritate, ut canones in decretis eorum consistant, & quando à nobis ordinantur, *olitana consuetudine* proclametur: plebs & clerus Ecclesie illius simul consistens, elegerunt sibi Episcopum.

XLIV. Flacius *olitana consuetudine* putat respecti ad concillum quoddam, quod dictum fuerit Olitanum. Sed rectius forsan exponetur consuetudo *olitana*, ut sit *antiqua, inolitata, vetusta*, voce quasi ab *olim* derivata. Sic enim Anastasius in Paschali Primo etiam dixit *tempora olitana*. Et Carolus Calvus in libello proclamatorio adversus Wenilonem dicit *olitana consuetudine* in Francorum regno reges ex genere prodire, ut legimus apud Cardinalem.

Baronium Tom. X. Anno

DCCC LIX. n. 25.

DEO GLORIA.



Liber ab adfectu nimio Rex creditur esse;
Quiq; sui vixisse potens perhibetur in orbe;
Victor ovat vitiorum, nulli cedere promptus.
Moribus ornatus sanctis, pietate modesta
Cinctus, declaras Te dignum nomine Regis.

Boni ominis causâ Eximio atque
Eruditissimo Dn. Respondenti,
Amico suo dilecto scrib.

Præses.

Ad

Sic, Germane minor, Tu complēs vota Pa-
rentum,

Olim quæ reruit mi lachrymosa dies:

Ista dies, Patris quâ Mars rapit æs, moriturque

Mater & Antistes Penicianus, Avus.*

Ista dies, bello, quâ Patria deflagrabat

Subq; primebantur præmia tot Procerum.

Sola tamen miseros, per saxa, per arva, per

ignes

duxit inopino Gratia Diva modo.

Penicium primis, Te Glaucha sequentibus

annis,

Altenburg Juvenem, & Lipsia docta docet,

Jena Magistrales donabat nuper Honores:

En! fanti è cathedrâ nunc favet aure Tibi.

Frater amo Fratrem, quin fratris honore re-

fulto;

& Nostrum cineres gaudeo concinere:

Gnate, Nepos, Frater, nondum spes cœpta fe-

fellit:

Perge Bonis multum Terq; placere DEO:

Perge piis Sophiæ plura & majora Camœ-

nis

Addere, Theologies consociale decus,

Spi-

* Vir plu-
rimum.

Reveren-
dus M. Jo-

hannes
Scheu-

bner/ Su-
perinten-

dens olim
Penicen-

sis.

Spiritus excelsis cœli demissus ab oris
seruet, conseruet sensa animumque Tuum!

συχχαριστουμεν χάρις
facieb. Frater natu max.

Johannes König Pastor Schön-
burgiacus Wideravix &
Königshain.

